山庫全幸

史部

欽定四

史部 高陽石刻集記卷下

詳校官編修臣潘廷筠 編修臣程嘉該覆勘

總校官 知

監 修 生臣汪 撰 縣 臣 吳錫齡 臣 楊懋珩

校對官

腾録

琰

將軍使持節凉州總管上柱國秦王世民告柏谷塢少 太尉尚書令陝東道益州道行臺雅州牧左右武侯大 秦王告少林寺主等教 · 一座寺主以下徒衆及軍民首領士 展等比者 天 ああらりたえ 工部主事葉封撰

欽定四庫全書 戎馬載馳神州廉冰草魔競起我國家膺圖受蘇設持 建嘉猷同歸福地擒彼山孽廓兹淨土奉順輸忠之效 之途復九萬之跡法師等並能深悟機麼早識妙因克 正諦馭象飛輪光臨大寶故能德通黎首化開繼林既 沐來蘇之恩俱承彼岸之惠王世充叨竊非據敢逆天 方著關庭證果修真之道更好像觀聞以欣尚不可思 下喪亂萬方乏主世界傾淪三乘道絕遂使問浮荡覆 窺親法境肆行悖業今仁風遠扇慧炬照臨開八 JE

議供養優賞理殊恒數今東都危急旦夕珍除並宜勉 廣郡開國公安遠往彼指宣所懷可令一二首領來此 終茂功以垂今範各安舊業永保休祜故遣上柱國德 · 1. 1. ... 1.1. ... 相見不復多悉四月世日 貞亦云秀逸有法唐書妙品至裴碑稱御書碑額 七字益指明皇書今碑額無傳而上有横刻開元 傳世民二字為御書則全篇乃幕僚筆也按王世 右太宗為泰王時告寺主等教刻裴准碑上方相 萬陽石刻集記

欽定匹庫全書 乘如狀前件寺戒壇故供奉大德一行禪師與故臨壇 右河南副元帥黃門侍郎平章事王縉奏得安國寺僧 僧崇光敬爱寺僧嗣 河南府登封縣嵩嶽會善寺戒壇闘請抽來都白馬寺 香谷寺僧從恕惠深安州龍興寺僧嗣 會善寺戒擅碑 神武皇帝書七字似屬後人所為耳 王字皆整沒不知何時何人所為附記 卷下 同德寺僧重進奉國寺僧嗣 又按碑内

ここうことに 部尚書平章事李使檢校侍中李使檢校右僕射平章 載黃門侍即平童事杜鴻漸黃門侍即平章事王縉兵 壽國土安寧中書門下牒嗣 所洛城推最惜其萬仁淪殁墉垣荒涼更屬艱難壇塔 大德玄同律師叶心創造殿字幽閉自然嚴淨受戒之 較故牒大歷二年十月十三日牒中書侍即平章事元 推毀不有修茸竊媤先賢望抽前件奉律僧七人住持 掃灑有關續填每年建方等道場常講戒律底福資聖 為陽石刻集記 牒奉敕宜依牒至 准

自天祇荷無地沙門乘如誠歡誠喜載欣載圖當者五 嵩敬會善寺常建戒壇兼抽關律七僧灑掃講律者湛思 一多分四庫分書 駐佛日之傾布堯雲之澤抽僧洒掃設擅講律雷音永震 之尊戒者萬行之首非絕頂岑寂曷請茲布微會善戒擅 事使中書令使右上層 湮沈靈迹荒毀觀者與黍離之歎經之增涕隕之悲陛下 沙門乘如言伏奉云十月十三日恩命於河南府登封縣 登其封者遺塵累踏其幽必契度外比為碩德

謹請右銀臺門奉表陳謝以聞沙門乗如誠散誠喜謹言 於申謝右下層代宗御書 大怒二年十一月明日安國寺沙門東如上表右中層 更呼萬歲之祥聖壽無疆彌極九天之峻不任戴荷之至 戒分律儀釋門弘範用申獎慕俾廣勝因允在嚴持煩 字 牒中層沙門乘如謝表下層代宗御書敕二十四 右戒壇砰在會善寺西分三層刻上層中書奉敕 按嵩高志略云右較乃大歷二年十二月會 彭易石門集記

欽定四庫全書 少林寺碑 戒壇之左 又按書史稱代宗留心翰墨於行書 足觀者此較為行書於嚴圓穩固自可珍 皆椎去棄之寺西荒草中傅太常物色得之仍立 壇酒掃講律具表稱謝帝手敕二十四字答之碑 善寺僧乘如因請允抽東都白馬等寺七人赴戒 益工論其筆力非有太宗玄宗超邁之氣然亦有 刻會善寺後寺僧告於求揭凡石上會善寺三字

扉通其瞻仰之路少林寺者後魏孝文之所立也東京 靈之始包至虚以見世象教失傳於曠切籠羣有以示 原夫星垂梵界聖緣開萬化之先日照王宫神跡藴三 淮文并書 銀青光禄大夫守吏部尚書上柱國正平縣開國子裴 皇唐嵩嶽少林寺碑 法身初應於中古見神通之力廣拔苦因開智惠當 之門沒明樂界鶴林變色觀其戀慕之心鴈塔開 勘易日 門供记 Ŧ.

欽定四庫全書 造舍利塔塔後造翻經堂香水成塗金繩為約苦心精 畿之靈境陽城之福地沙門跋陁者天竺人也空心玄 國都孝文屈黄屋之尊申編編作林之敬太和中詔有 粹惠性淹遠傳不二法門有甚深道業緬自西域来遊 山北峙亘宛洛之天門賴水南流連荆河之雲澤信帝 近句太室西偏正氣居六合之中清都控九州之會縣 司於此寺處之淨供法衣取給公府法師廼於寺西臺 俾夜作畫多寶全身之地不日就工如来金口之說 卷门下 こうし しいい 連雲可庇西緣長澗夾松栢之蕭森北拒深嚴覆筠篁 廟 師 息心兹地樂静安居感而遂通境来斯證寤寐之際若 有神人致石磬一長四尺規制自然聲律咸具得之河 之其密烟花濃靄瞋下天香泉籟清音晓傳空樂跋陁 合清響於中天鐘梵霜晨詣妙音於上劫時有三藏法 曲空閒漢使之談浮於泗濱徒入夏王之貢管絃風夜 虬箭不居光塵易遠紅梁所指象設猶存周武帝建 勒那翻譯經論遊集剂土稠禪師探求正法住持塔 4 為陽石刻集記

欽定匹庫 僧徒拒之賊遂縱火焚塔院中衆字條馬同減瞻言靈 學徒歸依者衆其柏谷屯地一百頃宜賜少林寺大業 寺名特令仍舊開皇中有韶二教初典四方普洽山林 徳 陟岵即此寺也隋高祖受禪正朔既改微號已殊惟此 皇帝繼明正位追崇景福大象中初復佛象及天尊象 **迺於两京各立一寺因孝思所置以陟岵為名其洛中** 之末九服分崩羣盗攻剽無限真俗此寺為山賊所劫 中納元萬之說斷釋老之教率土伽藍成從廢毀 全書 巷: 明

寺西北五十里有柏谷墅草奉合沓深谷逶迤複磴縁 塔歸然獨存天能保持山祗福護神力所及昔未曾有 **睠之所往辨謳歌之有屬率衆以拒偽師抗表以明大** 薦食之患拯生人塗炭之災太宗文皇帝龍躍太原軍 将圖梵官皇唐應五運之休期受干齡之景命掃長蛇 雲俯窺龍界高頂拂日傍臨鳥道居晉成塢在齊為郡 次廣武大開幕府躬践我行僧志操惠場曇宗等審靈 王世充僭號署曰轅州乘其地險以立烽戍擁兵洛邑

てこりを ときつ

為陽石刻集記

戾止御飛白書題金字波岩碑留幡象及施物永淳中 光紹鴻業欽明至理當因豫游每延聖敬咸亨中乘與 有白雀見貞觀中明禪師造重塔之辰白雀復瑞見璿 護洞晓二門遠該三行詣關進表特蒙置立武德中寺 慰既奉優教兼承寵錫賜地册頃水碾一具即柏谷莊 順執充姪仁則以歸本朝太宗嘉其義烈頻降璽書宣 圖肇啟初欲呈祥寶殿纔與遽聞相賀髙宗天皇大帝 是也迨海寓既平憲章云始偽主寺觀盡令廢除僧善

卸兵四届全書

造功徳垂拱中有冬竹抽笋塔院後復有藤生證聖中 草競秀於椒塗雲泉迥飛於錦石雕甍増耀若緞春葩 皇家尊崇事光幽秘珍符薦臻於動植靈應亟發於庭 中使送錢於藤生處修理階陛寺上方普光堂功徳隨 金疊分輝似懸秋露天皇升遐則天大聖皇后為先聖 御札又飛白書一飛字題寺壁雲開顧鶴電轉游龍神 日修造自爾飛馬莫敢翔集此寺跋陁疏置業造神微

ここう きょよう

除累聖獨心每須渥澤王言宸翰既疊昳於鷄峯寶像

高陽石刻集記

邁羅閱之金峯上德居之掩育王之石室特選寺衆不 者明軟今天下寺觀田莊一切括賣皇上以此寺地 漢元魏武徒街奇於篆素鍾繇蔡雍虚致美於網簡 勒梵天宫殿懸日月之光華佛地園林動烟雲之氣色 碑額七字十一年冬爰降思古付一行師賜少林寺鐫 珠幡亦交馳於龍壑皇上睿圖廣運神用多能籍明臺 碾先聖光錫多歷年所襟帶名山延表靈跡羣仙是宅 之化清釋天池之墨妙以此寺有先聖締構之跡御書 及 Ę

多好四样全書

遵慈雲玄素智勤律師虚求一義洞真諦之源復有大 恒剂矣高僧跋陀明三藏心禪諸門弟子惠光道房稠 入官收曾是國土崇絕天人歸仰固以名別諸境禮殊 人惠遠法師洪遵律師即其數也皇唐貞觀之後有明 中寺初復選沙門中德業灼然者置菩薩僧一百二十 深是寄弟子惠可禪師等玄悟法寶嘗託兹山周大象 法師等十大德亦號十英復有達摩禪師深入惠門津 禪師等精勤梵行克傳勝業惠光弟子僧達曇隱法上

ここりをといれ

尚陽石刻集記

遠契玄蹤文翰煥然宗塗易晚景龍中敕中獄少林寺 室迥合八谷潺湲地匝貝花門連石柱妙樓香間俯 戒成甘露海内靈岳莫如嵩山山中道關兹為勝殿二 步上座寺主都維那等牢籠法藏遊息禪林德鎣神珠 師諱法如為定門之首傳燈妙理第子惠超妙思奇拔 喬林金剂寶鈴上搖清漢法界之幽賛如彼皇家之福 置大德十人數內有缺寺中抽補人不外假座無虚授 澄什聯華林遠接武星霜殆周於二紀蘭菊每芳於十 朠

銀定四月全書

之會精求貞石博訪良工将因墨客之詞或頌金仙之 應如此天長地久不傳忉利之宫劫盡塵徵孰記鐵圍 夢寐丞爲作哉大聖降跡問浮潛迴寶軸廣運慈舟實 徳聿宣了義達喻真空其詞曰恒沙國土徼塵品類妄 見飛奔正心蘊櫃昏途莫晚淨根将墜樂於益鰋若安 相湛然攸止嚴嚴嵩嶺河洛巨鎮下屬九溪上干千仞 信起王刹斯建寶山載時花臺竹林清泉妙水静唯真 無減度示有降柔紺宮西闢白馬東流迷因慢生悟為 1.1: 萬陽石刻集記

欽定匹庫全書 木代歷周脩劫火遞起魔風競吹法身咸翳淨國同隳 戾止翻譯幽偈發揮妙理僊磬感靈神雀降祉運交土 花有地棲禪得方解空應真點識開士乘柘遊集振錫 清修道場勵精像宇專力經堂金界絕直椒塗水香散 宴室迥出雲霞中嶽北弘嵩山西麓斜界玉池洞開 天磴重阻仙都清峻式創招提是資誘進婉彼上德載 谷紆餘岡澗連延水木鬱起旃檀云誰小築吾師苦行 誕耆闍傳業西土演教中華孝文申敬恩錫仍加經營 M 栢

式儲神筆雲搖大圍鸞迥少室草垂僊露林昇佛日護 聲珍符為至在物斯呈我皇龍興有典咸秩懿兹上界 時豫先后卜征巫迴雕輦屢倚虹旌嚴題玉札地振金 或聞與復証振崩離神克應期撥亂反正皇矣覺力大 ノンラシ ことう 持八正每候能仁战陁降德稠公有鄰厥後真侣更傳 弘福慶式過聽徒聿扶神聖累降恩音兼敷錫命高宗 了因辨才萬行無替清塵倬馬梵衆代有明哲今我諸 公蘊彼禪悦芳越蘅杜淨踰氷雪遠綿津梁無非苦節 高陽石刻集記

欽定四库全書 開元十六年七月十五日建 顏上靈岳山 間實殿秀出梵天孙標神縣芥城可竭桑 田有發貞石永刊靈花常編 林寺碑開元十六年建又在萬山而金石録不載 書中此為第一 右少林寺碑裴淮撰并書在少林寺萬山諸碑行 此碑辭至沓拖不可讀而書頗秀勁多媚態得非 何也裴少時負文筆號霹靂手而雅不以八法名 D) 按王世貞跋云裴懿公准書少

大唐中嶽永泰寺碑頌并序 佛性微徧含識隱顯自在分無量力開祉藏耀無疆寶 龍與寺沙門靖彰撰 てこり シー・トラ 光勝宅啓津梁淨彼地獄兮與天堂昔明練今永泰跋 利嚴凝分像路長韻慈鐘震懸極警衆沈昏兮清間域 永春寺碑節録題頌 時代為之邪傳不載階封此書銀青光禄大夫正 平縣子亦可補傳之關 尚陽石刻集記

書 銀定匹库全書 大唐萬山會善寺故大德道安禪師闕 **施遠記兮斯為大刻珍石炳徽言曠代昭宣兮萬祀傳** 天寶十一載歲在壬辰閏三月五日建顏川處士荀望 廣平宋儋撰原書 道安禪師碑節録 右永泰寺碑頌釋靖彰撰首望書在永泰寺書法 肥重不甚雅制僅錄其頌

法要當付付此兩子吾無憂哉上因數徵請之以師受禪 業禪師已德聞於周鄭矣 心秀氣古顏維髮青目奇其儀表質於言談自弱年師 禪師法諱道安俗姓李氏荆闕人也玄悟慧達神聰道 要禪師順退避位推美於王泉大通也從此就是藪翳 學人多矣惟秀與安惜其才難也将吾傳之不至數今 大師每歎曰予當有顧當令一切俱如妙門獲所安樂 獨關塵感躬被艱難行洞精苦越生於開皇泊夫大

とうう自いす

尚陽石刻非記

卸好四月全書 開元十五年十月廿日建 豐石足以枕倚香泉足以漂漱與道而游不樂何求竟 龍二年春秋将百有廿餘歲矣而急其聖道遺其歲時 林榛高讓名同堅州師湖謂人曰山間樹下難可厭捨 建塔僧破竈關 故其得實其報照也 詢 居嵩山會善寺馬 諸者宿益云禪師生於大隋開皇四年減於有唐景

載傳梅云道安禪師碑廣平宋儋撰原書文尚可 塔僧破竈下損一字袁中即謂為神僧破竈墮予 者乎可疑也予謂此書雖有風致然用筆傾倒殊 讀字遒勁多骨而風致超逸出李北海上末云建 右道安禪師碑宋儋撰并書在戒壇寺西南按志 遜北海書史評儋書如寒鴉樓木平沙走兔是為 細辨損處下從木不似墮字豈萬山有兩稱破竈 似之耳至淳化閣帖誤列儋書於春程邈之後絕 尚陽石刻集記

欽定匹庫全書 唐少林寺靈運禪師功德塔碑銘并序 宣德郎試大理評事崔琪撰聖善寺沙門勤嗣 靈運禪師碑 勝於此而黃山谷亦稱儋書筆墨精勁又稱儋書 瑜二尺許掘地出之文甚糢糊不可讀節録三條 碑已於萬歴時雷轟為两截矣其下截為土所疼 姿媚尤宜於簡礼惜不多見則固當時名筆也今

2.10 車 Men 音令人聾五味令人與噫輪彼生減無時息馬吾将歸 寂離修離證非色非心歷微塵切遍 關沙界無量國土 虚空廣大乎其體智慧園融乎其用凝而不生湛爾常 時不能知常以為幻境非實泡身是妄五色令人昏五 宿植外學生知白雲凝其萬志明水峻其苦節泛如也 皆清淨無量昏暗皆光明誰其得之吾聞諸上人矣上 尉初上人之生也戒珠孕於母胎定水激於孩性內典 人諱靈運蕭姓蘭陵人梁武帝後皇考裔號州恒農縣 萬陽石刻外記

多分四月白電 根以復於正因游萬山至少林寺有始終之意馬會舅 彼嶺雲無心即我心矣彼澗水無性即我性矣夫如是 無 理 1 炯 洮 "禄於髙平而上人遂緇於此郡王立凡石不可喻其 照十方於自空脱三界於彼著慧眼既淨色身亦如 無何習禪決當 然日與衆星無以方其明者竟移隸兹寺以副乎風 知夫心外無法所得者皆夢幻耳然後觀大地土木 佛利馬空山蒼然窮歲默坐猿對茶椀鳥棲禪巷 作於雕塢珪大師潛契密得以真實

哉故門人堅順獨建靈塔於兹山奉遺教也夫願徳丕 黄於天地悲風哀咽於草木吁崩吾禪山涸吾法海空 吾世界使凡百含識大千有情茶於是火於是可勝言 熟能以凡聖量之乎故吾在造化中如夢中也專開元 發不有超世先覺而出夫等夷者則曷能傳我法印以 十有七祀夏五月廿二日不示以疾治然而終苦霧晦 涅槃為山圓通於不住之境出沒於無涯之域遼來時 一燈然干萬燈子彼上人者嶷然倬立以定慧為藏以 馬勢石川集之 其

欽定四庫全書 澄 其體也寂其行也順紛彼識浪汩夫夢情非照不曙非 遷 也達去順也今則絕矣瞻仰如之何夫事往則迹移歲 天寶九載四月十五日門人堅順建 化減六合悽愴世界颯空雲山忽曠色身謝兮法體存 币 金界慘兮鐵圍昏噫我所留者惟心源 不清作大醫王為大禪伯岳立松古蓮青月白一 不紀是斷關石以在斯文銘曰上人伊何傳我法印 則物換况法與化永念從心積豈可使上人之高殁 朝

寺西石塔靈運師墳即梁帝皇嗣者也 附錄之 道書法絕類聖教無一筆不似後世傾側偃臥 寺沙門勤下残缺二字當時僧書耳文淺陋不足 右十五字刻於靈運碑頂不知何人書亦有風致 右靈運禪師碑銘崔琪撰沙門勒闢書在少林寺 取姿態者其人材雖足稱要之有處於此髡也 按王世自武云靈運碑者唐雀琪撰末云聖善 高陽到石集記 ナヤ 以

欽定匹庫全書 宋一 壽絕禄秘語靈文謹守莫觸 去執忘貪少思寡欲世短人浮畫夜輪促醉飽腥羶減 嘉祐五年七月三日崇福宮立石 翊聖真君秘誥 真君祕 一正書 右翊里真君秘語今在文昌宫無書人姓名筆 頹魯公可稱名筆 誥 卷下

啓請仰啓元天大聖者北方壬癸至靈神金闕真尊應 元始天尊説北方真武經 真武經

化身無上將軍號真武威容赫然太陰君列宿虚危分

尊於龍漢元年七月十五日於八景天宫上元之殿安 後衛消災降福不思議歸命一心今奉請爾時元始天 秀氣雙睛掣電伏草魔萬騎如雲成九地點袍金帶佩 神鋒蒼龜巨蛇棒聖足六丁玉女左右隨八殺將軍前 Į 高陽石刻集記

欽定四庫全書 威德充備諸天遵仰越班而出執簡長跪上白天尊曰 祥五雲之座與三十六天帝十極真人無量飛天大神 北方大震七聲天門忽開下觀世界乃有黑毒血光穢 泉忻然咸聽天尊說無上至真妙法是時上元天宫東 玉童玉女侍衛左右一時同會鼓動法音天樂自響大 大衆咸驚然然不敢議問時會中有一真人名曰妙行 雜之氣幽幽冥冥從人間東北方直上衝天盤結不散 況此境清淨大陽道境何得有此黑毒之氣盤結衝

是何異因惟願天尊至聖為衆宣説絕其疑慮天尊告 曰汝等妙行能為衆心發問是由汝當復坐静點安神 本非宛期魂無可託鬼毒流盛死魂不散怨怒上衝盤 鬼枉所傷害或老或少或男或女未盡天年横被傷殺 終魔鬼流行信從邪道不省本源諂求餘福昏迷沉亂 不忠不孝不義不仁好樂邪神禱祭魔法令為六天魔 悉備三萬六千神氣扶衛其身今已陰陽數盡劫運將 吾當為說天尊曰下元生人皆禀清淨氤氲真一之形

欠已日事心事

萬陽石刻集記

生居天界修何道徳為於神將天尊告曰昔有淨樂國 威神此去北方自有大神将號曰真武部眾勇猛極能 金少世五八三 結惡氣汝當省知於是妙行真人與諸大衆聞是說已 開皇元年甲辰之歲三月建辰初三日午時誕於王宫 拔濟幽魂去離邪横大衆懷疑未敢天尊告曰不勞吾 心大驚怖欲請天尊威光暫降下收除魔鬼救度生人 降伏邪道收斬妖魔真人上白天尊曰不審此位神將 王與善信皇后夢吞日光覺而有娘懷胎一十四月於 卷下

符 武之位以斷天下妖邪真人上白天尊曰如何得此神 街天下妖魔救護奉品日夜於王宫中發此誓願父王 伏願大慈天尊遂其所請天尊乃敕右侍玉童馳招真 將入於下方收除魔鬼救度羣生免遭横死日有所益 功成果滿白日登天王帝開其勇猛較鎮北方統攝真 不能禁制遂捨家辭父母入武當山中修道四十二年 生而神靈長而勇猛不統王位惟務修行輔助玉帝誓 一道遥往北方召其真武神將其神蒙召部領神衆 先陽石到係記 F

欽定匹庫全書 徑到天尊前長跪臣已奉玉帝敕命位鎮北方今日 何 雷神兵巨虬師子毒龍猛獸前後真從齊到下方七日 跣足踏騰蛇八卦神龜部領三十萬神將六丁六甲五 收斷妖魔拔濟魂典真武神將敬奉天尊教敕乃披髮 說法忽下方黑毒怨氣衝上天界大衆咸鶴汝宜往彼 縁得親慈顏特蒙符召天尊告曰吾於上元宫中大會 泰國土清平真武神將與諸部衆還歸上元宫中朝見 之中天下妖魔一時收斷人思分離冤魂解散生人安

遇甲子庚申每三月七日宜下人間受人之熊祭察人 伐魔精救護羣品家國咸寧敢有小思欲來見形吾目 周行六合威攝萬靈無幽不察無願不成劫終劫始前 闋而作咒曰太陰化生水位之精虚危上應龜蛇合 形 無勞乎於是真武神將爾交氧布斗點剛激指上佐天 一視五岳推傾急急如律令天尊告真武曰自今後几 日之内天下邪鬼並皆清蕩天尊曰善哉汝等諸神得 天尊曰昨奉教命往下方收斬妖魔仗慈尊力乃於七 為陽石刻集記

欽定匹庫全書 北方奉解而退 患難各各受持稽首奉行真武神將再奉天尊敕永鎮 来降魔精消伏斷滅不祥過去超生九幽息對見存獲 之善惡修學功過年命長短可依吾教供養轉經衆真 元始天尊說北方真武經 等今日蒙大法利益請於人世救護衆生令得免三災 真仙大衆聞說莫不歡喜踊躍一時作禮讚數功德我 慶天下和平爾時妙行真人與諸天帝無量飛天神王 **D**i ・こうこうこと 諱乞字忌食属牛犬鼈鱧蒜 南宋傅書并立石武宗孟畫張士寧刊 宋元符二年歲次已卯正月甲辰朔二十八日辛未河 日六月初七日七月初七日八月十三日九月初九日 十月二十一日十一月初七日十二月二十七日真君 三月初三日生辰初九日下降四月初四日五月初五 天真武靈應真君下降之日正月初七日二月初八日 三元都總管九天游奕使左天岡北極右員大将軍鎮 高陽石刻集記 丰

欽定匹庫全書 御製 宋二 維大中祥符八年歲次乙卯二月壬子朔二十五日丙 中嶽熙告文 ,皇帝稽首上言伏以列辟之規有那之典必依憑於 中蘇熊告文 行書上廟寺碑記 頗 右真武經宋傅書按宋未有名而其書秀雅可觀 似趙文敏且萬碑絕無小正書録之

盛德之事罔不繁與圓清眷祐之心由其丕顯發春戒 序吉日協期夕夢先通祕文嗣降既而徇鄒魯之望幸 觀於写具承積累於祖宗致百福之来同由三神之儲 誠於鑒寐奉嘉薦於苾芬庶使不測之靈誕昭於忽怳 祉向自交馳王帛倒載干戈尉候聊存風俗無外古先 無疆之應允治於希徵竊念猥以則躬紹兹大寶荷監 神化用保祐於生民禮存大享之言書著咸秩之訓上 下之祀必在於交修神人之和乃臻於多福所以勵明

しているとき

萬陽石刻集記

主

動定四母全書 修云岱之上封緑錯之圖疊承於錫羨黙煙之燎言獲 至之日鴻猷景樂既已有融美既禎圖抑復無美爾乃 穑事朝山園而再展孝思飈馭下臨璿源巡悟珍臺肇 而建都盛則繼楊彌文悉舉率土修貢與誦多數律品 華寶字奉安將以伸通追罄乾單定國陽之位方答乎 於升中以至轉玉於魏雅旋軫於郊都款后祗而躬祈 回環未盈七載禮容首紀俄已三成自先置之辰汽飲 天祺詣渦曲之庭先朝乎道秘歷平臺而駐蹕尊藝祖

こうえいう 岳俄飲至於熊都或豐厥牲拴或絜斯賴藻或崇壇而 薄成此治平欲 閥 氣氤氲日月揚於榮輝星宿應於瑞課考於曩古盖墳 於掌禮之官乃訪祕科於修真之士載念始繕儀於岱 之積盈儲好於大農三尺之繁措刑辟於司點顧惟耿 史之未傳萃於方今乃耳目而咸熟至若齊璇璣之七 甘泉滋液神草紛披珍木交柯靈禽接羽商雲炳蔚嘉 政和玉燭之四時通範圍之關文惠海域之黎獻千倉 於百靈用永安於九萬乃詢甲令 為陽石刻集記 言

斯建或靖館而斯臨雖復欽翼內增齊明上達然而茫 精氣遊魂資其陶冶或髙處於清都點府或下居於名 以脆論思神之形莫詣子縷見寒門所會既秩序而靡 電之所詳知經之緯之豈監玄之所偏步写壞之表非可 **茫曾宙香香方與其載無聲其功不宰萬也明也豈神** 功或命歷之云毗或造化之攸輔烈風迅雨仰其節宣 中金簡琅函莫盡於杳冥之際其有默熙妙用幽賛丕 金山所朝亦堪宇而曷識捉臺珠闕邈處於鴻濛之

欽定匹庫全書

豐者歲倘或疵癘靡作富庶允登壽考可期順成常洽 國之所保者民民之所尚者生生之所切者食食之所 峻極之峰祗遣輔車退修熙席縷形善禱罄達至處夫 地咸紀寶章乘煙御風常迴歇駕是以擇陽和之序瞻 地志緬眺靈區挺裔嶽以奠方號下都而分治神鄉福 是内懷顒若逵考徧于庶達寅威以醻況施矧復載稽 雖茂承於純嘏而終闕於豐種兹謂弗欽何伸大報由 山祕洞或徳及庶物世罔之聞或力濟羣生人弗之論

てこうした こう

尚陽石刻集記

主孟

書并篆額中書省王册官御書院祇候臣沈慶臣晉文 多好四月全書 翰林待詔朝奉郎行少府監主簿賜緋臣劉太初奉敕 天禧三年九月日建 豫兢兢為務庶協於永圖翼翼在懷實期乎来格無任 神之顧也敢不勵乃志懲乃心以保乎盈成以戒乎逸 然後八荒之外俗愛風移九服之中導德齊禮衣冠不 懸倒之至謹言 異何止於緩刑文告靡施孰煩於用武是則天之祐也

大宋中教中天崇聖帝碑銘并序 寶鎬字 中天崇聖帝碑節録題銘 宋諸奉敕書碑皆御書院祗候刻字設有專官以 幢八面在中嶽廟峻極門外庭中按太初為翰林 共其事此他代所未及也因備録其街名云 侍詔以書為職其書有唐人風故可觀也 又 右中嶽熙告文真宗御製劉太初奉敕書刻於石 萬陽石刻集記 千六

欽定四庫全書 翰林學士中大夫行尚書主客郎中知制詰史館修撰 壹百户賜紫金魚袋臣王曾奉敕撰翰林待韶朝奉大 序奚其主治邈矣清真宣功博載授職髙旻財成無類 澤儲靈生物不匱得一以寧節彼嵩萬崎兹中土帝宅 沈潜定位坱圠殊形或融或結為紀為經奠方作鎮含 夫守太府少卿同正輕車都尉臣白憲奉敕書并篆額 知審刑院事柱國太原縣開國子食邑五百户食實封 疆仙臺胥宇霜露所均梯航攸聚四國是維千畿式

啓王封皇唐界盛奉若貞期對楊景命將極推崇聿求 言有述温珉載刻羽衛斯皇登於帝蘇飾以褒章信辭 期慕仙館爽回雲蹕何以致誠於馬望秩明詔誕敷徵 増祠官允釐勤恁大寶交修上儀謁款隆雕交逢太室 陰隲齊民列辟嚴奉牲拴有倫乃視公爵隆周集慶乃 止 郁郁鸞車銷銷法座臨遣縣禮具揚四壮于征殊庭戾 元聖炎精撫運營震承基天臨赤縣風偃遐圻祀事肅 潔志旁達靈心遇喜霰雪霏灑卿雲蔚起顧德散馨

こうういここ

悉陽石刻集記

主大

欽定匹庫全書 髙州司馬御書院祗候臣王欽刻字 大中祥符七年九月七日建中書省王册官文林即守 圖永綏坤軸 赫我后聿彰鴻徽祭則受福先而不違顯號克崇丕猷 發祥 關祉昔在治古祇楊明威道苟中否神亦靡依赫 允穆流詠琬珉飛英策祝峻屺盂安髙嚴雲矗等固瑶 右中天崇聖帝碑銘王曽奉敕撰白憲書在中嶽 廟今節録題銘 买

重修中截廟記 てこうえ ことう 生是知神正則福善人貴則通神既感應以相符在 之 恭聞聰明正直者神於是守封五嶽命四瀆以主天地 鄉貢進士駱文蔚謹撰并書)政神之靈雪霜風雨應其候人之正士農工商樂 柄温良恭儉者人於是乎位三公候萬戶以序君臣 重修中凝廟記 而斯契萬蘇廟者名萬祀典位冠中央南汝川而 萬陽石刻集記

略無由立功留守侍中禀岳之英得河之靈許國忠貞 勝紀雖云廟用未曰精專歷政以来罕革厥事不有明 或曰非禮然事涉餘論且理亦存馬使人畏其神則暗 室之中有所思也使人畏其法則康莊之內有所懼也 遙萬人斯集歌樂震野幣帛盈庭陸海之珍咸聚於此 之外留守祈禱之暇每至清明届候媚景方濃千里非 若畏其神懼其法成政之道亦在兹乎其如所獻不可

欽定四庫全書

洛川地封靈鎮左太室而右少室天設神宫國家祭享

軍将孫禧相度又差登封鎮将郭武等曰以爾早親左 斯可丹四座咸曰善於是選彼公人監之於廟未逾春 施政肅清於是奉君之餘愛民之暇乃負斯邑備聆厥由 右聽吾指蹤擇彼杼人臻其必革雜用二十三處行廊 月所獻寶貨幣帛充溢廊無仍令掌館好俟修崇乃差 一日命察佐回食君之禄豈徒然哉今欲務本成政如 百餘間莫不飾以丹青繪之部從我松植木去故就 不可一一盡紀俄而吏不敢欺告厥成功仍聽民歌

というほとはり

萬陽石刻集記

主

多好四月全書 德二年八月十五日記 罄無詞直書盛事處年代以香邀勒貞珉而斯在時乾 廟宇兮嚴潔賴明師兮修崇足使謁者生肅然之禮祭 奪單無能編苦自許徒寄化風之內幸窺修飾之功是 者敦如在之恭則明神貴人感應之兆信不虚耳文蔚 靡敢弗録歌曰時之泰兮聖人功政之清兮君子風覩 右重修中嶽廟記縣文蔚撰并書在中嶽廟按乾 德為趙宋初年去唐未達此書雖似稍拙然瘦樸

翰林學士朝請大夫尚書兵部即中知制語柱國賜然 開寶五年歲次壬申閏二月二十八日建莫仁美刻字 大宋嵩山會善寺重修佛殿碑 金魚袋王著撰前攝大理評事王正己書 會善寺重修佛殿碑節録題名 右會善寺重修佛殿碑王著撰王正已書在會善 寺按書史云宋有两王著善書者字知徵官終侍 有骨略似歐陽率更錄之 • 為陽石刻集記 Ē

欽定匹庫全書 宋三 大宋皇祐辛卯七月十八日顏川陳知損陪邑大夫宫 月廿六日遊此暮宿於峻極中院 侍禁上官士衡著作佐郎張甫進士李冠皇祐二年三 嵩陽宫石柱題名二十二條附明一條 行書下題名雜著 少骨氣僅録題名 書而翰林學士王著自是一人今稱學士而書屬 王正已其非知微可知矣此書雖法聖教序賴散 卷下

之遊天封觀 蘇舜元才翁題皇祐祭已孟春因之河南府也 舍趙畋巡檢侍禁上官士衡縣尉田盛太室山人劉正 趙士宏朱壽臣舒昭叙王慎微同遊皇祐六年仲春晦 書名黃山谷極其推重至謂學書二十年抖擞俗 右按書史稱蘇才翁筆簡而法足與弟子美同有 無不脱晚得才翁書觀之乃得古人筆意今觀所 題數字故可重也

しこういろ ここう

高陽石刻集記

丰

多灰匹庫全書 錢衰去私張淮次公同遊嘉祐已亥七月十九日黄通 陳知雄守柔趙抗正解同遊嘉祐壬寅歲仲冬初六日 **熙寧已酉歲春二月六日来觀邢恕和叔題** 也嘉祐癸卯六月二日顏川陳守柔再遊成之失約 介夫書 日公嗣題記

熈寧已酉二月七日崔象之元公亮馬嗣宗同邑令張

玉游萬至此觀主樊尊師看題此係潘尊師碍陰

封精思觀道子畫遂行照寧五年九月十日也 余與子由改武西洛進士畢同遊二室諸寺最後過天 貢於禮部者九人十月乙酉晏於中和堂公是年 監試杭州不應復至洛也其人定住士當是西京 子瞻送杭州進士詩序有云熙寧五年錢唐之士 教授王平甫董耳 似大瘾是時子由以忤安石出為河南府推官而 右無書名按袁宏道記云稱子由不以氏語氣酷 Ų 為陽石刻集記 丰

欽定匹庫全書 蘓 范陽祖無擇上谷鬼仲武游熈寧癸丑孟春二日 **汶上東端卿淮西郝闢之元豐戊午五月廿六日同** 焦通怒博雅熙寧癸丑二月二十六日 遊 祭 世 歲清明後一日陳知儉率馬申王壽同遊天封觀 熙寧祭丑仲春月二十四日南梁張起同上谷兔公輔 監臨安茶稅張克蒙從妻父樊少偓遊此崇寧二年 此 注 題 題 遊

勝孺慕三川王堯文同游宣和祭卯八月朔 濮陽李孝稱來游崇寧癸未五月記 原武邢傳朝謁神霄像罷過天封得先公題字壁間不 政和改元仲春唐通叟拉李勉之自中項過精思天封 文及南挈家遊崇寧三年三月十嗣日觀退之題吴畫 李春十有一日 唐鵭侍行 夏聖求李季明袁僊夫游大觀丁亥四月六日

てこう巨いう

嵩陽石刻集記

二十三

對好四月全書 蒼谷正德乙亥攜兒同游今復攜府游此義社長劉咸玉 蜀郡何県宣和七年三月二十二日遊天封觀 爵司應元識按着谷乃王尚納別號附 後五十三年獲觀先人朝奉題柱項城縣丞馬雲夫謹書 察甚深掘地瑜二尺許乃盡捐之按表宏道記云 漢柏縣不甚修者土掩其本也由此推之想當然 石柱者也去漢柏不數十武柱八面其下為土所 右以上題名二十二條附明一條皆刻於萬陽官

燭下題 ここうい という 縣科魯君弼鄰右進士王衰損之會飲天封觀和真養 熙寧辛亥冬十月十日琬以受代密 通家致政秘監 劉 劇談雅歡步月引退大理評事知登封縣事張琬公玉 公几伯壽侍禁陳天錫伯祥藍山令董清臣直甫登 涌上盧漢傑率金臺李百和顏川李剛中游繁虚谷設 紀聖德碑陰題名二條 耳今以年月先後次第之後做此 Ą 為陽石刻集記 二十四 封

題男大理評事唐憲武陟令唐民姓太祠郎唐老唐咨 之暮引退照寧辛亥仲春望日秘書監致仕劉几伯壽 少年把臂白髮相逢遂從兒孫輩游承天觀雅飲劇談 水部即中知宗正丞公事趙宗誨師正惠然訪我因語 欽定匹庫全書 歳次乙巳改元二日題 道友茶酌七星泉登三醉石回觀聖德碑時宣和七年 潘尊師碍陰題名十五條內崔象之一條誤 右題名二條皆刻於紀里德碑陰者也 表下

錢待問王仲元任仰之魏祖況弟關祖辛亥三月初六 孫武芸閣吏高侍行壻監登封酒稅杜寧諫壽臣末至 少室野夫劉几東密田述古熙寧辛亥季春廿二日同 李禹卿因游長官寨憩此真宫時熙寧辛亥李春二十 傅繼登嗣真釋顯泰宗約山人周谷深夫游 日謁承天李師到此 琬公王熈寧辛亥三月二十四日率羽人張子隱雲夫 遊殿中丞新通判汝州張瑜君儀弟大理評事知登封

人とり上上は

萬陽石刻集記

Ī

多分四個名言 内侍王紳道士王成之同游異景榜徨久之哀儀記 祖無擇題按此與石柱條同日 六日子好述迎睡侍行 予與冠仲武游山至此抵暮而歸思寧六年正月二日 公度弟淳翁壽臣子昌弼同游 公度晦之壽臣損之尋春至此照寧四年三月十八 於此 右無年月按王紳跋尉遲汾詩乃熙寧丁已因叙 表下 題 Ð

趙 日同游 鄄城李昂元祐庚午季春 荣陽張關同羽人趙守素游政和癸巳六月廿三日子 符庚辰歳九月十九日 樓試可王通玉范邦直李仔肩宗仲基王叔敬同游元 李公弼仲修元符已卯閏九月來游 元豐辛酉季夏望日河南元聖庚觀碑助從行 郡李夷行鄄城李昂祥符楊彦章元祐與午中秋三 1.1. 高陽石刻集記 幸

欽定四庫全書 楝侍行 李仔肩宗仲基王通王王叔敬 戒壇碑旁題名一 旁者也 右題名一條刻於戒壇碑旁者也按潘碣題名樓 右以上題名十五條皆刻於潘尊師碣陰及左右 試可條有李仔肩諸姓字為元符唐辰此當同時 耳 ***** 條 巻下

宣和甲辰元宵後一日自許昌之華凌晨冒寒乘與獨 范純仁至和二年十月望日游同洪川關 張瓊弟琬熙寧庶代十月廿二日同釋顯泰游 遊王績公紀題 石淙題名四條 以盡榻 右按此題前有詩云磴道山嚴下茅楹竹樹中 右按此題十月以下在王績詩行問字體不全難 萬陽石刻集記 丰大 深

こうう

多定四月全書 王仲巍鄭修年弟億年李伯達向子謹宣和乙已七月 右以上題名四條皆刻於石宗張易之序後者也 恭皆有書名應出二公手也 上字相參互删之 平生丘堅志覽此與何窮因刻於范忠宣題名之 渾魚可見攅石路幾通坐聽潺湲碧懸思爛漫紅 右無書名按書史載王仲嶷字豐父向子諲字伯

張景儉王起陸經從游 ノ・ うら こよう 權發遣京西轉運使張呆被古謁嵩山崇福宫安挂御 政和甲午十二月十一日幸緣職事經從恭謁祠下康 文昌宫壁題名四條 二門牌大觀庭寅十一月二十九日至此 右按此石有潞國公文彦博嘉祐庚子三月十 拙故並年月删之録此九字 日游十六字潞國公文彦博六字乃大字筆頗重 **嵩陽石刻集記** テハ

穫恭參啟母殿下送觀聖迹不勝大抃時政和戊戌孟 文忠訓郎王淵深甫因隨侍關 兼祐神觀公事王郅子堅右武郎提點醴泉觀陳彪炳 厚書男寔侍潘瑋宋繼稱從行 夏十有八日彪謹題捧硯人劉天錫 左武大夫忠州團練使知東上問門事提舉中太一宫 萬歷中傅公梅所建存古書院址也按公自為記 右以上題名四條今在文昌官官在今縣學東即 節使太尉指崇福得

欽定四庫全書

・ノ・フ・・ ノ・トラ 宿少林寺 少林寺詩 瞻輛移時不能去今凡稱在文昌宫者益皆此院 陽書院而移置馬 之遺也官狀隘石列暗處難於觀玩予將與復當 移置此中嵌於堂壁若鱗次然公餘過之左右顧 古人尺碍片石磨洗辨認但文字可識者則 云予當往来萬山之麓每每從瓦礫荆棘中見有 萬陽石刻集記 千九 即當作

欽定四庫全書 封縣管勾崇福宫事族若肚立石 嘉祐五年四月一日給事郎守太子中舍知河南府登 壁昔何如心知一宿猶難覺花藏重尋貝葉書 六六仙峰統佛居俗塵至此暫銷除西来未悟禪師意 北去還馳使者車形守此都五品封機今尚在九年面 留守司事潞國公文彦博 保平軍節度使同中書門下平章事判大名府兼北京 右文潞公詩在少林寺按文氏停雲館帖載公書

三十六峰賦并序 有訴欺不足之意後歐陽文忠與梅謝諸賢相繼為僚 四 余少開洛邑之盛在唐宋為東西都而山川形勝之富 視他州為傑觀昔韓退之白樂天見於歌詩形容勝縣 明樓异試可 三十六峰賦 7.2 2.31 **姚古人且詩亦可誦故並銜名年月録之俟考** 與 此不似公為有宋名臣書史稱其筆勢清勁不 為陽不刻集記

博 友數遊萬少間至今以為美談余幸以不敏得令嵩髙 南分與夫恒山之北靡不窮探歷踐分游心而騁目獨 詩之流云 縦 游方之志兮乃東升於岱頂而西謁於華麓雖衡陽之 伊浮雲之公子兮訪道於林邱而棲神於嚴谷超然有 然而忌歸分內欣然而自足忽御風而行兮排空隊 望歷歷可數因作三十六峰賦以自廣非敢竊比古 觀諸境未有過少室者而巉嚴衛拔乃在户牖間 朝

欽定匹庫全書

を下

ここり 巨いき 於地軸連絡偃覆分龍盤而虎伏雖華以九而巫以 危之不除今乃西望兮炭然而聳特雄柱天綱兮横亘 丈人而問津分日游四方而真有得何高之不登兮何 而造中域徐睥睨以四顧分意惚恍而有失遭萬萬之 室其高則燒屼崷崒崟岑鬱弟分十有六里而疊有十 而 二分曾未視奇峰之六六丈人放杖而笑兮秋水方至 河伯自溢子鳥親海若之難匹兮獨不聞中天之少 深則環紆紫繞盤斜紛錯兮上方十里而周圍 萬陽石刻集記

博其神異則王女爛織錦之文兮金人迷白露之落雲 歲之資糧兮不絕其中可避兵水之災兮自有經書之 柱 觀舞水之所樂其上則有嘉禾甘果分神芝與優藥 洞警時聞之鐘兮石井泣哀鳴之鶴王子晉環之以為 分寶所聚光明之穴分畫所鐮一丈之鍾乳分可餐千 可以長上古玉膏在顏兮服之可以揖羽客雲母之 百包嵩陽以作鎮分截轘轅以為郭春歌山之所聞分 若承露之盤分帝体若楊枝之葉石脂所滴分飲之 石

勤坑四月百重

夜大色内猫脂書道傳避有郭海山 有滴自上口兵金璞經上 長一爛阿 明丈|班育|九下|然仙|少水|像日|日方 阿 雲光煥玉十食飲有室之人少少 鍾明如塔年之食千山炎性室室里 £ 洞穴紋在資一與年有嵩視山之元 推 在錦山糧合世 資自山則巔山和 人山鍾北在與無糧然記有 有有郡 往東乳玉山天異留五曰白白木國 為 南穴女中地石於穀少霧玉馬圖 織河畢室山甘室起青名志周潘 鍾深山錦南郡前中果山迷服曰曰圓岳 三東臺志國有下神有人之帝少一 10 石里南并曰志石有芝雲道得休室百日 穴餘穴堂歌又柱石仙母書仙葉山里少 直中在山口似室藥井日郡如其西室 上有東舞有承中周出少國楊高征山 有 五鐘北水王露有太雲室志其十記有 百乳堂在升盤自子母之曰枝六日十 人尺徑內諸晉有然晉神陽少五里少 得畫頭石峯壘石經學仙可室斷山室豐

欽定四庫 之所有分而烏覩六六之名義東朝嶽祠儼百神分西 其一分未知其二子識其外分未識其內是徒知六 而丈人之所安宅丈人曰名生於實分義設於適子 洛邑勢千官分下 Ļ 死者哀鳴泣 人 誤傷 而 死 天泉南明 五香爐狀所省分形如鉢五 複 月 血滴石成穴 政名少陽石城石笋天所形公科教祠 太陽少陽山之明公 此皆公子之所未知 太陽少陽山之明分 紅多色出

分 帝道 上) 金牛明月色像起分举中時現園 有羅 中有銅像七尊靈隱來仙洞府深分皆一群漢洞隱現真靈隱來仙洞府深分皆一分以差低於連天亦接雲霄羅漢七佛 云帝字拳 卓劍白雲形實紀分狀 為陽石刻集記 像狀 羅漢七佛像設 如若月牛 四岩 四十二 凝碧迎霞 之是處里 時 起拳 古所 花 色寶其

欽定匹庫 而峯澗柱王 没 甑 舠 而鬱蒸忽雨聲於天外分勢翻盆而倒 之扶疎分蔽大關之午升山椒雲氣之冉冉兮若 扨 聚分 星辰而 青青 親六六之景氣丈人曰方春陽之盎益兮燒痕 白馬色茂 全書 鹿柱或於之上 紛紅紫之繡錯分引百轉之幽禽雄樓 或或云诸束多 上 侵 仙仙金而迎碧鹿人玉形其石 玉仙 其色皆 故如朝 在本下 神女分乘輜斬而下 繋 霞泉 馬白鹿神仙衆分下有 白上此 王華寶柱金石瑩分 則六六之名義分 傾惟紫芝與 征朱 明 傑 燕 覆 觀

睛 分 黄鹤兮舞长空而産英金驗之驚葉兮山空落石岩 眓 人之銀聲夜月白而風冷冷兮玉笙清澈而 所可預 Ŀ 林柯之脱盡兮山形瘦而骨稜稜水雪横積於干 分以盡 **j** 不可究量或背 不可得而盡名豈特仰 能飛而白虎亭亭惟四時之出沒變態分顧晦 (朝昏此雖丈人之所不能形容兮而豈公子 聞丈人口冥儿撐空分千變萬狀山 若相戾兮或面若相向或竦若相 問陽石刻集記 觀俯聽自辰及西應接之不 外聽暨 四十四 經 地 志 鬬 隂 仞

聀 分森劍或落落分列屏障勢領略分斷而還連狀容 將或决驟兮若風馬或浮空兮若船舫或若游郊原分 望或筆瘦分若栽冠或臃腫分若挾纊或蹲伏分若駝 兮或揖若相眄或散若相忘或聚若相訪或後者 若和 虎或崇聚兮若壅盎或威嚴兮若壯王或勇猛兮若梟 分而前者若唱或卑者若下分而尊者居上或喜兮若 攜或怒兮若相抗或若秦晉兮相匹或若楚越兮相 邱墳而包框椰或若入宗廟分紛且登而鬱秬鬯戢

欽定四庫全書

卷下

ここう 巨います 後塵 三十六官兮妃嬪之游燕昂霄聲堅冠佩悠兮泉飛霞 能窮兹山之勝踐兮完兹山之曜靈請執杖屢兮以從 兮宛而復肚超然若三十六天兮神僊之洞宅姓然若 分酒然如醒非丈人無以藥之使瘳分刮之使明僕未 袖張兮雷霆轟轟宫車還兮言未既而公子頹然如醉 嬌雲曲月鬢眉新兮煙斜霧蒸龍麝焚兮霞舒霓卷舞 傾爵学流兮天澗星熒玉枰成分松篁瑟瑟鉤天迎兮 9 高陽石刻集記 四十五

多好四月在重 實録檢討官者作佐郎黃庭堅書頌 少林九年垂一則語直至如今諸方賺舉 少林禪師傳法沙門清江上石洛陽張士寧刊 建中靖國元年九月廿三日武林僧曇潛參寥書住持 達磨頌 室二十四峰詩殊不足觀而此賦叙述詳賭可備 参考書亦不惡録之 右少室三十六峰賦樓异撰僧曇潛書按异有太

.... 書揮酒如意故足成家 中諸題跋古今人書衡論精聚亦頗自負今觀此 羣丁撥權乃覺少進意之所到輒能用筆又公集 家草書尤奇偉當自云於較道舟中觀長年温樂 條袁中即已辨其非東坡書矣其山谷書即此是 志稱嵩山有蘇黃書蹟今石柱所題余與子由 右達磨頌黄庭堅題書字徑四寸餘在初祖養按 也公在當時有盛名書史稱其楷法妍媚自成 1 為陽石刻集記 学去

欽定匹庫全書 金 太師魯國公 署書題名 能入集耳 宣和去寅八月資政殿學士河南尹范致虚立石 右蔡京署書面壁之塔四大字題名也在少林寺 絕古今鮮有傷匹今四大字亦甚佳惜徑逾尺不 按書史稱京書嚴而不拘逸而不外規矩大字冠 京書 卷下

シーラー ニュー 賜 中憲大夫充翰林待制同知制語上騎都尉江夏縣開 大金重修中嶽廟碑 大定二十二年十月庚申以重修萬山中嶽廟成未有 兼國史院編修官雲騎尉賜緋魚袋臣党懷英篆額 國子食邑五百户賜紫金魚袋臣黄人約奉敕撰奉政 大夫充翰林修撰同知制語兼國史院編修官驍騎 重修中嶽廟碑 維魚袋臣都嗣書承直郎應奉翰林文字同知制 萬陽石刻集記 罕大

欽定匹庫全書 泉山之英者惟嵩為然爰自書契以来事跡靈異非 据天地之中央得五行之正位嵯峨发業俯瞰河洛號 排 雷蒸騰雲雨材用由是乎出寶藏縣是乎殖形勢巍然 判之初鍾造化神秀之氣鎮壓厚地真安一方噴薄風 是承命戰兢退而書之臣聞五岳在宇宙問繇胚胎 奉詔然忝屬禁林以文字為職雖甚愚陋其何敢辭於 紀述制詔臣外約書其事於石臣學術荒蕪實懼不克 他名山鉅鎮所可方擬若夫挺峻之狀著萬大之稱 卷下

・こうし こう 南嶺上年祀縣邈莫知其經始之由魏大安中當徒於 宜歷代帝王靡不崇奉凡巡狩四方往往款謁其下而 封爵之隆所以褒大之每有加而無替也舊有廟在東 子晉得道而優去自餘高真遊覽玄聖棲遲圖牒所傳 不可殫舉維神尸之聰明正直克相上帝保佑生民是 祝融降而於夏申甫生而與周浮丘公混俗以僑居王 内似擾饑饉荐臻郡邑凋殘寇盗充斥齊國建立創痍 神盖山唐開元間始改關於此遭宋靖康兵草之難海 萬陽石刻集記

欽定匹庫全書 茸 為甚廟之基構僅存而結修不時上漏旁穿風雨霧 地大物衆經營締構不失先後緩急之宜顧與什 政教清肅涵養休息復見大平自爾公私獻功稍就完 弗 玩歲喝日 功力或未暇如有待者洪惟主上纂明昌之緒題 ·廖用兵不休賦役煩重故伊洛淮甸之間戶口蕭 然積久與随未足以稱神之居且當國家開拓之 顧享可勝歎哉皇朝混一區夏方隅底寧解燒除 始不能支歲時祭真牲酒寂寥鼓鐘不設 起 れ 弊 计 肥 神 刹 條

敬清之在祀典有功烈於斯民者宜如何哉先是十四 從官給無得煩民仍寬與之期戒勿倉卒涉於不敬以 諸應費財用工徒與夫百物之數具圖上之粵十月壬 增飾其選使馳傳編詣檢視以聞明年使者復命即 治之期蒐獵遺文禮樂備舉嚴奉宗廟肇種郊丘懷柔 午乃有重修之命且詔有司凡一夫之役一物之用悉 百神無文咸秩至於崇飾海內前代祠廟恒敬不忘况 秋九月敕遣關人諭指宰相諸嶽廟久闕修治宜加

たこり事と与

為陽石刻集記

多好四月子 稱所以事神為民祈福之意惟中擬在河南府登封 張子夏監護役事又命同知河南尹事臣宋嗣明總 南 供 則 之境內尚書省廼以其事下於府府以是下之縣地官 及旁近諸郡發其賜取役夫之羡卒闕或不足則募 施餘利驗其數以時給之冬官則以其夫匠均賦 游手之民隨時之高下而優予其直以付本縣令臣 諏日鳩工衆作畢舉廟制規摹小大廣狹位置像設 以其費用屬本道轉運司出公帑之錢合廟中前後 河

一萬四千九百六十有四用力以工計之為四萬八千 待每咸季夏遣使祭祀之次舍不與馬始事於十六年 易之垣墉階祀之缺罅推地者則更築之樣形黝至藻 悉仍其舊無改作視其棟楹榱桷之撓折朽敗者則徹 四月丁未絕手於十八年六月戊子費錢以貫計之為 遺力人不告勞總為屋二百三十有八間其西齊廳以 繪之漫滅不鮮者則加飾之煥然一新窮壯極麗吏無

とこりし 二一 高陽石刻集記

三百六十有二落成之日丁壯垂白執持香華遠近畢

動坑四月全書 人為國藩翰輔成萬世無疆之休俾吾君壽考與山齊 乎其間殆有非人力所能致而致者夫以五十年因循 古不云乎禮因不答異時修貢效珍發祥隤祉復生賢 漢武帝元封間當登兹山從官吏卒咸聞呼萬歲者三 委靡之弊一旦變為殊絕偉麗之觀匪夫遭時隆平聖 天子在位文明勤儉無為不成何以臻此嗚呼休哉昔 凑皆大和會不謀同辭咸謂物之廢與成敗自有數存 流傳後世至今稱美矧主上崇敬之心出於至誠如此

欠足り事全書 等永永無極其陰相之功又豈特區區徒見於祝願之 轉此然地中 奕奕神宫權與東阪繇魏以來再徙寬行 作為頌詩繁之於後頌曰瞻彼松髙維嶽之雄穹窿隱 問而已耶臣既序其本末以展歸美之報敢拜手稽首 **舍風過者嗟咨大金受命恢闢疆宇燠休撫摩躋民樂** 土皇帝御極寢兵措刑山川思神亦莫不寧維時神宫 火饑饉天未厭難人不堪命洒掃有關隳頹弗支上雨 上棟下宇揭度妥靈規模顯敞氣象崢嶸遭時否屯兵 為陽石刻孫記

金分四元人 成式干柱耽耽萬尾差差金鋪琁題輝映陸離落成之 久未追鄉皇帝曰嘻我心之惻迺論近輔迺詔羣司去 其敢後厥報維何篤生賢人左右王室如甫如申天子 神之格思松風冷冷工祝無求施則甚厚雖不望報神 舊取新經之營之母資民財母勤民力一出於公訓其 歌刻之豐碑萬世不磨 萬年永宅九有巍巍堂堂如山之壽下臣獻頌以相工 初四遠咸集拳巒增明雲煙改色邁豆在席笙鼓在庭

、、、、)、」、、」、」、」、 中天萬嶽寺常住院新修感應聖竹林寺五百大阿羅 崇相等今列立於崇聖門外左右各二四碑之中 者未可以時代面也 齊之唐人書中何多讓馬亟備録之以知能自立 孫崇望那守元所書盧陳碑俱無足取白憲書王 廟 右重修中嶽廟碑黄久約奉敕撰郝嗣書在中嶽 碑差勝亦非上品惟此書結法遒勁着老可觀雖 按此碑與宋盧多遜王曾陳知徵碑體製豐 萬陽石刻集記


漢洞記 欽定四库全書 歲之聲瑞氣祥雲畫鎖千尋之境是國家稟佛戒福神 季嘉木岑雀草山超揖長時異花芬芳玉鏡珍寶輝然 勝妙者惟中嶽萬山卓然聳拔青雲之表林戀嗣秀四 釋有提撰奉議郎知永安縣事王道書 是處光明嚴洞泉源清流千古澄澈谷風松韻時呼萬 原夫大法界中支那東震旦大國聖宋壽山得其最高 西京永寧縣熊耳山空村寺住持傳法吉祥大師賜紫


長安道稠桑店逢一梵僧持盂肩錫問曰上人胡来而 中天王英崇聖帝領鎮之地宫廟之所也是山之中有 大國聖主賢臣興崇外護無令斷絕敕諸大菩薩天龍 山會上以正法眼藏分付大迎葉傳芳流布授記付囑 上座曰我外聞彼刹是聖寺羅漢所居當憾未聞其因 聖竹林寺何知之乎古傳記云唐蜀僧法藏来游是山 可願行聽高論開發前去曰上人豈不聞吾佛當年靈 何往曰雲遊萬嶽聖景曰可附一書與竹林寺堂中

久足可車全書

萬陽石刻集記

金はてごり 得見但觀山腹三洞深邃無窮每有信士公嚴登險 畢問曰竹林寺門從何處入曰我等當聞是聖寺未曾 開未聞接書分衛而行法藏來至萬前問人曰竹林寺 住其中是寺隨機縁或隱或現緣熟者當見曰今日得 長在人間天上赴供為大福田令諸尊者將諸眷屬止 山腹是也来至嶽寺入三門常住院禮謁衆僧安衣孟 何所是答曰但去到萬嶽寺入石三門登逍遙臺望之 切神祇保衛國界較五百大阿羅漢不得入減





晚達明了應緣利生授用自在心常離欲示現貪染爱 贍 15 顯富貴真奇異物積之山嶽若非是大權菩薩具正見 不覺身墜嚴前聖境都失矣時者年僧曰人間天上榮 著心圓梵行示現有諸關患心常清淨示現隨類生死 敬又隨諸尊者赴帝釋齊因得親三銖絹心生愛著 行佛行示現逆順境界心無取證深悟禪理妙道或 如然則為少分夢幻境物耽染愛著恃之迷醉漂蕩 為陽石刻集記 幸雖得入聖寺

とこう声と

一多定四月全重 生死三界流轉更內少服迴光自照完乎真實妙道大 運土木等欲依山上洞樣建造一所斤斧才興感五羅 患為障其過此也汝今為出家上人同聖寺諸尊者授 境光明至今求者應現愈多院主崇政誘掖檀信施財 具表進時明皇在位聖恩撫問倍加宣賜爾後嚴洞聖 乎今此天絹亦非汝用之物當獻至尊頗為佳矣法藏 圓 天主供養事非小緣何故未除流俗愛物心非唯竊服 項犯戒律章條重亦乃自昧真心妙道玷吾門何多

こうう しこう 身應量齊等於是四方崇信一至春首香花供送駕肩 士之家願各以香花幡盖依次經從迎接送至洞完像 興工造洞還報赐氏樂然鑄施五百餘尊像成隨喜信 漢洞汝家當鑄鐵像五百身赐氏夢覺令人至寺果見 隘道然燈燒燭盤迎品饌供養精誠得其感應燈未點 到奉安之次陳蔡二善友挈衆张五百餘條至披挂像 漢話號州盧氏縣暘氏家託夢家長曰萬嶽寺今造羅 之火光自然齊食其香聖像先現是洞今有三經藏花 高陽石 到集記

| 欽定匹庫全書 塔狀三聖洞香花供獻施者齊陳獲之感應三處俱有 臨香火萬口一稱獲斯聖境光明益今日之盛時一 羣生遂性三教長隆知洞悟言丐記傳於金石永久無 臣皆存忠烈風調雨順軍民康安四海晏清萬邦率服 佛 名 夫聖境無邊順機各異無欺縱目可觀有昧觸途莫見 聖徳聖感之至化伏願聖壽無疆金枝王葉永茂帝道 道同興金輪法輪並轉親白仙族同因盤維文武賢 山太室佛利隐現其中聖此交參畫夕往来無間登 卷下

墜有挺因普為缺正見佛行執有生死輪轉不了根本 清淨者修進圓之仍集佛教眼目兼以禪宗中妙古録 時親瞻親聖境光明殊勝不思議事非筆舌可窮今固 修進證大菩提緣斯曾住是聖寺前白蓮菴將乎十年 山 著混元前聖凡共聚寧分别廟利相依亦混然蓬島三 敢簡略一二以塞其命頌曰天下名山孰後先萬髙神 作明證俾令一切悟明了達根本清淨具足正見佛行 根不固華胥一境夢非堅實光玉柱擎雲漢春色拳

てきりを とき

尚陽石刻集記

巒戴晚天幾相倒生垂洞谷干松偃益覆嚴賴登臨香 多次四月全電 諒 院前住持僧崇政院主僧法應知洞僧悟言知庫僧悟 聖宋崇寧元年壬午歲十月初十日中天萬嶽寺常住 火心同願上祝今皇萬萬年 山野前住法王當遊當岳寺見此碑經兵革火燒毀壞 達 於荆棘之中遊人見者呵嘘難以辨認嗟乎恐聖境 同勾當修造僧以用清信弟子焦泰施財刊字劉友 刻 卷下

陵 普照比 邱廣真書萬陽高澄刊 年八月十五日會善寺閒居嗣祖沙門淨浩重上石寧 石使聖境重與以外留傳不絕矣皆大金大定二十九 以遠難得聞耳遂諸處追尋得全本謹捨衣孟命工刊 浩跋廣真書在會善寺按崇寧原碑今在萬嶽寺 右聖竹林寺羅漢洞記原宋崇寧年間釋有挺撰 王道書此其重刻於金大定二十九年者也僧淨 砌下小正書破壞强半字亦糗糊是亦置而録 萬陽石刻 集記

欽定匹庫全書 元 奉敕撰集賢侍講學士中奉大夫臣趙孟頫奉敕書嘉 翰林學士承肯資善大夫知制語兼修國史臣程鉅夫 光宗正法大禪師裕公之碑 大元贈大司空開府儀同三司追封晉國公少林開山 議大夫禮部尚書臣郭貫奉敕篆額 少林禪師裕公碑 此

謹 傳而至大鑒復派而為五師所居達摩處也其宗以湛 儀同三司追封晉國公命詞臣文之碑臣鉅夫奉職惟 少林開山住持光宗正法大禪師福裕制贈大司空開府 皇慶元年春集賢大學士榮禄大夫臣陳顥奏請封贈 惟 契去之魏隱於萬山少林寺面壁九年為禪宗鼻祖六 然常寂為真空洞不虚為實廣大不蕩為際其教人亦 佛法相傳有信具至達摩持以航海梁武帝問道不 曰性善其論曰推一而萬則事無非真混萬而歸

· / · / · / · / · / · / · / · ·

萬陽石刻集記

4十九

| 銀定匹庫全書 被 皇猷未嘗以福田利益嘐嘐語人而慈雲法雨陰覆潛 則真無非事故曰當仁又曰能仁陰有以格君心而賛 寺二百三十有七區與申世祖即 奏對稱古件總領釋教授都僧省之符優後僧尼得廢 林大作資戒會俾建精舍於故里曰報恩給田若物以 底行奉之深至此其大略也歲乙巳世祖潛邸命師少 飯 ,果戊申定宗詔住和林興國未期月憲宗召詣帳殿 歷代帝王意欲清心静治使萬姓蒙福謂浮圖言可 作因論辨偽經馳

こうこうこう 戒者莫可紀嗚呼師去世已遠今上皇帝寵以贈典言 南柳林閉田二百項餘辟玉泉北墅觀音别院自餘藥 十三僧臘五十二嗣法小師三十人度第子千餘指奉 室浴宇賈區拾其贏以卒歲尋分建和林燕薊長安太 老俸於接納歸樓萬陽未久示微疾書偈告終俗壽七 原洛陽為五少林始終萬壽十四夏主護之力居多既 可當之者衆請師主之計以堂鉢之費未免經算得都 以間火其書仍襲爵賜光宗正法之號時萬壽祖席無 為陽石刻集記

欽定匹庫全書 爾官隆爾爵以寄予思以迪後人以永譽於萬世師之 邈馬雖去来夢幻無得而名封諡哀紫豈不在我其尊 永孚於仁以弘濟我兆民顧先哲其逝朕弗克見於兹 行而道大也皇帝若曰洪惟世祖神武不殺本仁祖義 翰墨吟咏提唱普説幾十萬言播在叢林而師未始以 世也三閱藏典而成誦誘掖後學無倦色通羣書善 能事幻遭世變對然無依道逢老比邱勸以學佛 天下朕欲昭我祖德持盈守成惟爾克紹乃初 卷下 袓

とこう 声 二十 晏坐彌寂默若無與馬至元八年春詔天下釋子大集 老師實為之主屬萬少煨燼之餘暫想無氏之永慶已 具與雙溪廣公同執事者七年遊方来無親灸萬松師 林古佛於仙嚴曰此龍象種也當為大器即為祝髮授 砌 又十年道益隆名益著學者日益廣其住少林也萬松 能誦法華足矣師曰佛法止是乎比邱異之與偕謁休 利金碧一新洛陽白馬經進不報皆師力也師與 與仆起廢訓徒説法施者如邱山来者如歸市萬陽 萬陽石刻集記 目

金元匹 於京師 太原文水張氏子九齡入學日了千言鄉問曰聖小兒 方 世 既壽其傳仍以道行碑報請於上追念父師少不失 識 亷 有光瑞應非一端云門人慧慶以師平昔著述刻 倡道垂教 娠 標準 母有異夢及生家有吉徵其說法也酒池出泉古 月在書 明平居風神閉敞襟度夷曠復當山如祖師 師之嗣法者居三之一其盛哉師剛果彊 斯世没而不朽者數師字好問以雪庭 於天壤間 如鼓雷霆而揭日月所 謂大善 自 再 毅 號 出

こうう こう 心而已混未嘗混照徹大地推未當推淵澄止水梁皇 持戒律已萬松休林合辭招致參從渡河幾三百指 矣師少不凡見稱州里休林古佛真源指示至老游參 有為不踏其古誰直其宗曹溪東逝速我裕公道還北 効之義是可銘銘曰佛以仁傳聖以仁治其仁伊何此 出 不弛二百四區羣廢盡起僧無徭役大衆歡喜曰一佛 俗趨走營施山委萬陽諸剂金碧暈政洛陽大講經歲 世遇明天子其人已滅其道不死不空不住天地終 萬陽石刻集記 拿二

欽定匹庫全書 之兹碑 傅法住持嗣祖沙門普就集賢大學士榮禄大夫陳顥 延祐元年十一月日門人慧慶建宣授祖庭大少林寺 始帝命曰咨章服是宜百世其承之四方其則之惟爾 立石洛陽耶律德思刻 法是依惟爾言是師臣拜稽首聖敬不違播為聲詩永 右裕公碑程鉅夫奉敕撰趙孟頫書在少林寺按 文敏書法為元朝第一此碑奉敕書不當假手乃

普安慧湛弘教大宗師揀公茶榜 大都大聖壽萬安寺諸路釋教都總統三學壇主佛覺 昭文館大學士中奉大夫特賜圓通女悟大禪師雪養 揀公茶榜 覺肥快少風力何耶然筆自有致

欠已日年 任馬

若欲破人間之大夢須憑劫外之先春伏惟佛覺普安

萬陽石刻集記

空

竊以隨緣應物無非回向菩提指事傳心總是行深般

頭陁溥光撰并書

銀灯四月台書 消 慧湛弘教大宗師寶集正宗轉輪真子學冠於竺乾華 夏 之方得法藏清凉烹煎之肯焙之以三昧火碾之以 顯密圓通神遊於教海義天理事無礙笑辟支獨 浮國土白雲生處光揺紫極樓臺非關陸羽之家風 碌輪者之以方便鐺貯之以甘露 盤五屑飛時香 於九結破昏滯於十纏於是待蟄雷於鹿野苑中聲 北苑採靈芽於舊山頂上氣靡蒙山依馬鳴龍樹製 一已擬菩提普籍於草生借水澄心即茶演法滌 睡 醒

障 壓倒趙州之手段以致三朝共吸百辟爭當使業障惑 箇真心醒即夢夢即醒轉八識衆生即成正覺如斯煎 者法庭大啓海衆齊臻法是茶茶是法盡十方世界是 壇 至大二年正月十五日門資上座德嚴刻石於萬山戒 祝 寺 利樂何窮更欲稱揚聽末後句龍園施滿塵沙劫永 煩惱障即日消除資戒心定心智慧心一時灑落今 龍圖億萬春 鳥易石川集記 六十四

欽定四庫全書 誠懸之風書史亦稱其工大字録之裝潢為繁節大 偉 中無卍字骨令天趣流動筆端結習未忘起灑不 足又周叙記云元雪養所書茶榜字徑三寸許道 王世貞跋云元僧溥光書茶榜風骨頗遒勁惜 右茶榜釋溥光撰并書至大二年刻於戒壇寺為 石 亦 可觀今觀其書筆雖過豐而結體適緊有清 四 两面刻几八幅今移立在城西峻極下院按 臣 胸

富察大使索海市詩 應天以實不以文人間世事徒紛紛一自元豐感靈應 寶閱瓊樓浮水面參差有若蓬菜宫乍移三山出海東 層城異木當頭現甲馬神兵隨後變雲幢烟益出山 萬里涵空視天碧天邊和氣生紫烟海上羣山削青壁 深期恍惚通仙靈不見嘉祥慘懷抱是時巨海風壽息 百年異代殊無聞山東安撫心好道一過蓬莱問芝草 海市詩 1.1. 萬陽石刻集記

欽定匹庫全書 鶴駕逍遥近西岸来向清時振道風 宗師之印相傳稱為邱祖碑分三層刻無年月在 北大雪山之陽似即其人也此詩及字皆瀟洒可 為萬陽顯族大定初遇重陽真君於海上傳其學 崇福宫超天師傳碑陰按萬嶽志云金邱長春世 右海市詩末署邱立字無名立字鈴玄門演道 至元已卯大宗以蒲輪起於昊天觀至見上於漠 乃兩志俱不載録以倫考 邱立按邱長上 邱長春 闕

・ こうこれ ことう 將往宜陽迂道過少林有述二首是日小雨薄暮方霽 明 落中天淨松藏太室深燈龜取未減猶自照禪心 披霧縱幽尋頻年説少林到門山雨至繞寺石泉吟花 **解鯨音肚風髙鶴韻長浮邱招未去夜夜禮名香** 草樹連中凝烟霞帶北邙古禪傳後魏魏碣峙初唐地 會善寺 過少林諸詩四首 萬陽石刻集記 ï

欽定匹库全書 青山迁轡至不顧客程違在英惜芳歲流連餘落暉 舦 既 戒壇寺 同 两 風景益更奇勝各賦一首并書於此嘉靖元年三月 宿少林次日復捫離因得二境毀棟荒基顧瞻索然 僧貌古泉共梵音微亦有箕山對無人禁采薇 有四日南原王韋記事 朝 日登三刹興衰亦漫傷樹交雲榻廢草長石壇荒乞 馴鴿栖禪夜怖狼惟餘茶榜在贏得打碑忙 卷下 石

欠已可事全書~ 嘉靖丙辰秋八月華亭笠江潘思書 祥光璀璨萬年枝周笙沈寂殘河夜漢栢孤森欲曙時 主臺原駕赴星期萬少平分弘華 奇寶相莊嚴中凝殿 祭告萬截道中 歸路尚聞仙樂奏怳疑雲外歩虛辭 嵩嶽道中詩節録一首 幸號南原善書亦能詩 右詩王韋題書刻於一石在少林寺 萬陽石刻集記 按書史王 华上

金分正匠人 雲氣常生二室奉入夜蕭條清客夢翻指滴憑滯游蹤 清畫入門春露濃坐深檐溜遞疎鐘泉聲欲過三花樹 嵩陽院觀漢封三柏 眀 游少林寺值雨同丁元父給諫 少林漢柘二詩 朝擬趁嵩高日好放晴光隨杖龍 右詩潘恩撫豫時以祭告至萬用太宰喬白嚴韻 作也在少林寺今録一首

顏南區大相 青天時有鶴羣呼年深飽歷風霜色世渺全荒玉檢符 萬歷甲戌冬毘陵唐鶴徵来訪孫照字年丈也 欲問興亡干載事不知人代幾禁枯 當陽官外柏三株漢帝遺風令記無翠靄尚留龍馭遠 少林寺題名 右題名在少林寺 右詩區大相題書二石在少林寺 9 萬場石則係記 六十八

欽定四庫全書 萬少夫何 窮 中 来梵字憩不數祗 長夜鐘聲時在門游絲静不飛春鳥爭自喧奇趣兹 互迴薄周遭虎豹蹲雲霞麗丹闕日月夾層軒佛 令狐願 嶽 洗心道亦存素東諒有字勝遊竟難該卜築行拂 廟寺諸詩四首 廟 吉 極中萬名獨尊杖策千里外四峴手自捫 樹 園古樹浮夕靄着翠明朝暾形 燈 勢 紶 朅

少林寺 法王寺 こうう システ 濡意已困憩頓聊所遣倚策玉柱拳歷覽信窮遠連嚴 訪勝屢回枉寄興良不勘漠漠岫烟霏冷冷嚴露沒沾 隅 盈咫洞徹足清淺采采金蓮花盈盈玉鑑展紛吾塵滓 久懷少林遊今宿少林寺綺麗化誰構我宫敬復邃岩 互參錯雲物森婉孌古刹制木頹高棟負絕獻方池不 賴籍需洗慷慨有深東從兹却軒冕 萬陽石刻集記

緣 面壁石 動定四月全書 空虚塔影照無寐乗炬躡層榭磨碑識古字已斷區中 麗遥岑川原迥相媚我来蘑蔔下恍從天外至梵香偏 **壑爛相泉檜柏鬱而峙髙楝排雲日虚牖鹊蒼翠霽色** 歷丁亥四月初九日 天台王士松書 蘆浮渡江震旦揭真諦心非轉法輪義不立文字九 面壁人寂寂緣底事石中一片影參取西来意 何知身世累沃野競沙塵聊此停征腳

盧嚴已不知鴻一名姓何勞著片珉 笑共青山閱過人茶電煮来秋月冷芝籃提去夕陽貧 太室少室蓮花中大熊小熊巢父鄰喜從黃社遭賢令 做幸無明府同游萬少酌盧嚴瀑布路月還登封賦 此 奉贈萬歷壬寅九月七日漏三鼓南充黄輝 游嵩山即事詩 右詩黃輝題書在少林寺按公與董宗伯同時齊 右詩王士松題書在各本廟寺結法凝整録之

つこうら ここう

萬陽石刻集記

萬高少室天地之中大乘氣象鬱鬱蔥蔥破賴未會面 公碑銘 欽定四庫全書 壁真風祖佛非殊惟變乃通其一般若無知靈光不昧 萬山少林寺賜紫住持曹洞正宗第二十六代禪師道 如清凉池如大火聚直下便是擬向即背奇哉衆生具 華亭董其昌撰并書 少林禪師道公碑節録題銘 名續書史稱其楷法鍾元常亦作行書洵住筆也

欠足四軍全書 萬歷三十七年正月吉旦門人慧如等立石 公僧中之傑傳涅槃心吐廣長舌雙桂開敷三花此線 泥牛月吼木馬風嘶不居空劫不落今時其三爰有道 如来慧其二五家宗旨如世畫師虚空可拈丹青不施 一代時教永存珉碣其四 僅録其銘 世名筆而此書過於豊腴豈其壮年所書如是耶 右道公碑董其昌撰并書在少林寺按宗伯為當 萬陽石刻集記 キー

金岁日月月三 登萬 豈為山呼崇祀典虞廷柴望已無窮 丹嚴翠嶂倚晴空呼吸還疑帝座通至北至南均日景 邢臺傳梅撰 風交雨列天中高含元氣三台近分奠坤維四嶽同 登高詩節録一首 右傅梅撰登萬八首之一也公字元鼎邢臺人萬 歷中為登封令著萬書十三篇萬之形勝古蹟碑


補遺唐行書 とこりを とよう 唐嵩山會善寺故景賢大師身塔石記 著族容貌秀偉見者肅然幻而神明周覽傳記弱冠投 太師諱景賢菩提大通法盾也本姓薛氏汾陰人世為 左拾遺太山羊俞纂沙門温古書 景賢大師身塔記 王正民筆也公有功於萬録此識之 码表章居多其所题刻亦多大約皆其幕客柏鄉 為陽石刻集記

多方四月全書 寶世傳其人今運鍾江陵玉泉次一佛出世亦難遭矣 頮, 心大覺宿好都遣問道於問 保綏良可知也久之廣大圓極悉心以獻大通怡然克 幽絕客居巴峽三抗山中山尋霓 閥 星馳駁邁而得大通發言求哀揮汗成血大通照彼 茶勢而我歲時晏居初無惱害豈道為之守而神靈 懸喻以方便一見悟入同然昭洗屬世議與隘遠迹 相許付寶藏傳明燈為不讓矣時神龍五載也中宗 智寶禪師師言法王大 豺虎搏噬毒

人工可戶 人生地方 以祈懇或出或處存乎利濟化自南國被乎東京向風 其盈門同波派流分景並照亦東關之盛也嘻世相 龍象則我先佛法身湛然常住者矣始先祖師達磨西 之功不可得而聞也觀乎萬形蠢蠢於黑聞千界熙熙 靡然一變於代益三世諸佛闕 来歷五葉而授大通赫赫大通濟濟多士寂成福蘇爛 於熱毒如来有以登大嗣應甘露雖相示寂滅而業遵 風詔請內度法米仰德乞留都下大師雅尚山林迫 尚陽石刻集記 法印妙極之用言外

銀片四月在書 燭世年又起身塔於北嚴下永奉安馬若其積微成著 主上追懷震悼賜書塔額署曰報恩存沒榮幸山川光 實剛盡谁內菩薩知時示同嗣物開元十一年龍集癸 比邱慧林等不勝感戀奉為建塔迢亭絕赫出於萬半 嚴然翊日而謝春秋六十有四雲山慘毒庭樹凋推別 亥歲八月在萬山會善道場現有徵疾沐浴晏坐神精 夫情靈痛可言也門人比邱法宣比邱慧獻比邱敬言)動乘定發慧之用堅剛勇猛之操大悲廣行之業率

たうこ 皆碑版所詳不復多載也 開元廿五 年歲次乙亥八月十二日建 稱者也 寺書法略似道安碑而稍遜之按年月即應次道安 温古上人兄詩云宗兄此別法益其族人必亦可 右景賢大師身塔石記羊俞撰釋温古書在會善 之後因集成始得補錄於此).1 i 尚陽石刻集記 又按王維有留别 七十四



人口回母人 東漢 欽定四庫全書 萬陽石刻集記紀遺自漢至唐止 中截廟石闕銘此下石今尚存而未録入集者 惟中閥 帝元初五年陽城長日常造闕銘載藝文其銘曰 右按嵩高志云中嶽廟石闕在廟正南神道漢安 萬萬神君閥 悉陽石刻集記 工部主事葉封撰 休爾最純春

動片四月全書 ミュ 魏 會善寺浮圖銘 賢凡八行乃小隸書其後相連尚有二十餘行字 益漫滅不可識也 莫不家思聖朝肅齊本文衆庶所尊嗣 奉起 今石闕尚存其字剥落不堪摹搨矣自惟中至後 生萬物國方起雲潤施源流國宗國宣並天四海 盡勤 礖 功德刻石紀文嗣 紀遺 顯脚果以傳後賢 闒

とこうらんよう 北齊 碑樓寺碑 子開奉為建七層将浮圖一區敢用項髮及諸雜 太尉公清河王薨世子元重字子亮次子元明字 右碑天保八年丁丑立其詞益紀劉碑為首造碑 寶上塔追誠崇敬干載弗忘謹銘函益在會善寺 右按塔銘云神龜三年七月三日魏故太傅侍中 之縁起也今在本寺俗稱劉碑寺碑刻佛相文列 為陽石刻集記

多定四库全書 會善寺碑 少林寺碑 龍華寺石幢 上方 右碑武平元年立在少林寺 陰刻文 以上四碑字皆拙劣故不録入 右碑武平七年立在會善寺二碑皆面刻佛相碑 右石幢二北齊時立今在龍華寺門荒草中刻尊 紀遺

欠已日早上 唐 嵩嶽寺石幢 永泰寺庭東石幢 右石幢在永泰寺庭東永淳二年立刻陀羅尼經 不録 制度則亦唐以前物也 右石幢二在萬嶽寺亦刻陀羅尼經無年月觀其 勝陀羅尼經 高陽石刻集記 以上四幢皆漫漶不住

多月四月 石潭 淨藏禪師身塔銘 會善寺碑 大詈禪師碑銘 右碑面上半刻佛相下已蝕盡似非唐製其碑陰 與庭西少異字頗漫漶不及西幢故録彼置此 隸書乃唐麟德三年亦漫漶不可楊矣在會善寺 尚歸然字未馴雅刪之 右塔銘天寶五年立無撰書姓名在會善寺西塔 批选 () () () () () () () () **岑禪師舍利塔碑** 告成斷碑 右砰阀 右碑閥 强半剥落字亦肥重刪之 嵩嶽寺後與徐浩書大證禪師碑並歌仆荒坡中 漶不可搨 右碑在測景臺左今已斷破字沒始盡矣僅其第 撰高通理書太和二年立在會善寺漫 撰道士盧元卿書隸書元和二年立在 為陽石刻集記

銀定四库全書 李崎大局降禪碑此下題文見為志而石今無存者 盧鴻一四銘 崔融啓母廟碑 李邕嵩嶽寺碑 楊炯少姨廟碑 陳子昂潘尊師碑頌 右按盧鴻一四銘為望都鷄鳴二峯中天門玉女 行猶存大唐洛州登封縣七字亦不可搨

釋義淨少林寺戒壇銘 銘文云 成乃爾又時未盡智帝書故猶有瘦勁意据此則 盧嚴圖十景勒四銘山中乃諸志止載十志未載 張傑書當是時傑應尚少且不以書名而筆法老 右按王世貞跋云少林戒壇銘開元三年為學生 **摶帛石銘文不傳陳文燭遊嵩山記云隱士讀書**

久已日華全書 人

鳳

洲時此碑尚存也今於少林寺及戒壇故址徧

萬陽石刻集記

金沢である門 幸行儉中嶽廟記 楊植許由廟碣 李華中嶽越禪師塔 李方郁修中嶽廟記 暇 侯泰重立小碑載此文末有跋云侯令邑三載公 右按今許由廟在箕山有嘉靖八年登封令嘉定 索之不可得 巡行阡陌乃登箕絕頂歎曰先生之風雖高而 制建 記

韓愈登封尉盧殷墓誌銘 右墓誌當有刻石然按本誌云殷以餓寒死愈與 鐫 乎少慰据此是得碣於土而石碎重鑴耳何云輳 遺文於深土而石碎也遂命屬隸輳鑑此心庶幾 先生之行無碑記以表章之後之采風者安有所 買棺卒無子女一人為比邱尼則當日或以貧死 據耶必有不軌之徒欲便已私以瘞之耳果爾蒐 此語頗未晚今原码碎石無復存者 馬易石列集之

一欽定四庫 全書 韓愈天封觀題名 右按萬嶽志云天封觀石上有韓文公題名歐陽 無子此銘未嘗入石亦不可知也 中至少室謁李徵君勸樊次玉泉寺疾作歸明日 遂與李盧道士章潔僧樂過少室而東抵衆寺上 三月二十六日與著作即樊宗師處士盧全自洛 文忠公政嵩高志載韓愈天封觀題名云元和四年 太室中峰宿封禪壇下石室遂自龍潭寺酌龍潭 紀月 ... ブルーニー 韓退之題名二皆在洛陽其一在萬山天封宮石 歸閏月三日國子博士韓愈題又歐陽修跋云右 水遇雷明日觀啓母石入此觀與道士趙玄遇乃 雷意其有所戒也其一在福先寺塔下當時所見 遂登山頂至武后封禪處有石記戒人遊龍潭者 推官與梅聖俞遊萬山入天封宫徘徊柱下而去 柱 母語笑以讀神龍龍怒則有雷恐因念退之記遇 上刻之記龍潭遇雷事天聖中余為西京留守 萬陽石刻集記

欽定匹庫全書 中嶽廟斷碑 會善寺石柱題名 撰 右 墨蹟不知其後何人摹刻於石也据此當在石柱 分則當與萬陽官紀聖德碑並傳矣今訪之廟中 而今無之豈别有一柱而後已亡馬者耶 不可復得惜哉 按陳文燭記云中截廟碑刻百數其豐碑王曾 斷碑徐浩八分書益未詳撰人姓氏而季海八 紀道

ていう…… これ 極精今亡 右按袁宏道記云會善寺石柱上有唐宋題名字 高陽石刻集記

